





大方廣佛華嚴經海印道場儀



志心信禮毘盧遮那佛嚴土化生因緣故果滿登十地哈亞現無

碍身雲量超越刹塵數化圓機輪山香海池海澗香河流河邊

寶樹重樓閣妙幢天樂響哈亞圓音轉法輪若人聞熏堅種生華

藏又又

志心信禮華嚴不思議無碍法界超言思十方刹塵數哈亞諸佛

同讚嘆信解者一生內果圓滿昭廓於心境窮理能盡性因該

果海徹因圓汪洋而冲融哈亞廣大悲周徧修萬行契心源入佛

家又又

志心信禮無垢普賢尊居補處位受灌頂勝願與佛等哈亞德量



同法界刹海中為上首現助化入如幻解脫行願無等倫十方  
佛刹現化身普賢具萬德哈亞攝生不思議大菩薩海會中歸命  
禮又

伏聞佛身晃耀如赫日照於金山妙體湛然似皎月臨於碧沼  
居三界而不染住五濁而離塵我等凡夫三業塵習障厚沐浴  
八鮮無垢之人如來生時天龍獻水耆婆設供奉施香湯初成  
正覺泥連河內而淨身後般涅槃阿耨池而浴體佛經有施  
淨之文律儀建澡浴之室我今特置勝妙香湯衣服供養瓔珞  
莊嚴玻璃鏡內影現三世之佛身甘露餅中沐浴十方之賢聖  
將淨巾而揩拭用香水而洒塗檀煙瑞彩熏遍塵方寶蓋鬘雲

普周刹海五智六度之水清淨於五蘊六根五香十種之湯蠲  
除於五逆十障成就大智圓滿佛身惟願大聖不捨慈悲受我  
灌沐

適在泥蓮浴 仙人啞樹枝 因圓三界內 果滿十方知  
先授天王鉢 俄飡牧女糜 我今親沐浴 當正佛菩提  
稽首最上諸三寶 普利一切諸含識 惟願俯垂大慈悲  
受我等供來降臨

唵薩哩縛怛達葛荅阿彌迷呻左三摩耶室哩央吽

譬如如來降生時 一切諸天作沐浴 以將清淨天妙水  
我亦如彼作沐浴 我今灌沐諸如來 淨智功德莊嚴足



願彼五濁衆生類 同證如來淨法身 戒定慧解知見香  
遍十方刹常芬馥 願此香雲亦如是 自他願獲五分身  
浴像熏香供施福 聖衆歡悅寂為先 慈悲本願光普照  
證明灌頂賜哀憐 欲懺重罪諸障難 念醫習垢於金仙  
增長善欲誠深信 勝妙勤念悟心田 身心空寂契真理  
醒悟迷本枝末蠲 脫網離纏蒙法雨 證湛映徹得安然  
行願舍捨秋月滿 福慧增盛如意圓 三業淨如玻璃鏡  
六根開若琉璃嚴 憶念誦敬願相應 承侍讚供誓悉全  
深入一行三昧定 觀佛般舟速圓成 臨終往生随心意  
光光相續悲現前 面見弥陀親接引 得生極樂坐金蓮

獲此金身無限喜 聖衆為友樂轉迂 更相別導得授記  
一生果滿刹海旋

十二因緣吉祥偈

吉祥最上護明知 足天宮住慈氏勝尊 取位受灌頂乘騎白象  
吉祥降赴瞻部州 吉祥生處尊貴是故得安樂  
吉祥為淨梵子王 舍宮中住無非貴人離欲摩耶母受胎十月  
吉祥具相釋迦種 吉祥目前  
吉祥圓寂寂林悅意捺折枝攀樹生時帝釋向淨梵遊行四方  
吉祥空中是化生 吉祥目前  
吉祥相師嘆言出家三界師釋種嬪妃眷屬皆莊嚴童子呪筭



相聞無棄捨吉祥同前

吉祥無不欽伏人天皆超越生刹利種棄捨惡親友出城王宮

為生老病死吉祥同前

吉祥四王捧足接引騰空去為超三有剝除淨紺髮諸天變化

神祇奉黃衣吉祥同前

吉祥三代僧祇無始劫海中捺羅拶尼池邊苦行畢能仁出定

吉祥受乳糜吉祥同前

吉祥大象化中菩提樹下坐跏趺而坐不動降魔軍超昇棄捨

魔類正菩提吉祥同前

吉祥鉢羅奈國世尊轉法輪與五俱輪開解演四諦諸天及龍

堪受供養處吉祥同前

吉祥外道六師調伏我慢故發起癡象為摧提婆疾正直候王

奉獻於蜂蜜吉祥同前

吉祥肌膚如蓮具相釋迦種淨梵刹利轉輪王之子從生娑羅

林中如實了吉祥同前

吉祥央慈運悲普救諸含識無邊有情令人樂勝道吉祥宮殿

極樂甚微妙吉祥同前

奉曼捺羅偈

我今諦想松兔字 變成四大須弥峯 以成勝妙清淨宮

降臨道場來受供 莊嚴八寶遍法界 四大部洲及小洲



奉請諸佛來依止 奉施花鬘我敬禮

截截偈

惟願清淨法身真諦力

相好圓滿報身功德力

隨機變現種種化身力

及打截截誦呪威神力

將此風塵遍滿於法界

一一風 變成三身佛

一一三身如來遍法界

願常利樂法界諸有情

攝授風塵偈

惟願一切諸佛威神力

一切妙法真諦威神力

一切大眾和合威神力

及以總持誦呪威神力

今此遍滿法界微塵力

一一風塵願成眾明主

一一眾明主佛之風塵

皆悉消融願成於不二

賢首品云

若欲供養一切佛

入於三昧起神變

能以一手遍三千

普供一切諸如來

十方所有勝妙花

塗香末香無價寶

如是皆從手中出

供養道樹諸最勝

無價寶衣雜妙香

寶幢幡蓋皆嚴好

真金為花寶為帳

莫不皆從掌中出

十方所有諸妙物

應可奉獻無上尊

掌中悉與無不備

菩提樹下持供佛

十方一切諸妓樂

鍾鼓琴瑟非一類

悉奏和雅妙音聲

靡不從於掌中出

十方所有諸讚頌

稱嘆如來實功德

如是種種妙言詞

皆從掌內而開演



菩薩右手放淨光 光中香水從空雨 普洒十方諸國土  
供養一切照世燈 又放光明妙莊嚴 出生無量寶蓮花  
其花色相皆殊妙 以此供養於諸佛 又放光明華莊嚴  
種種妙花集為帳 普散十方諸國土 供養一切大德尊  
以放光明香莊嚴 種種妙香集為帳 普散十方諸國土  
供養一切大德尊 又放光明末香嚴 種種末香集為帳  
普散十方諸國土 供養一切大德尊 又放光明衣莊嚴  
種種名衣集為帳 普散十方諸國土 供養一切大德尊  
又放光明蓮莊嚴 種種蓮花集為帳 普散十方諸國土  
供養一切大德尊 又放光明瓔莊嚴 種種妙瓔集為帳

普散十方諸國土 供養一切大德尊 又放光明幢莊嚴  
其幢綺縵備衆色 種種雜寶皆殊妙 以又在嚴諸國土  
種種雜寶莊嚴蓋 衆妙繒幡共垂飾 摩尼寶鐸演佛音  
執持供養諸如來 手出供養難思議 如是供養一導師  
一切佛所皆如是 大士三昧神通力

第一廣修供養

次奉施寶錯

緣性圓融所出生 帝網重重供雲海 賢聖海處而奉獻  
為衆生海願納受 願常面見諸如來 及諸佛子衆圍遶  
於彼皆興廣大供 盡未來劫無疲厭



第二稱讚如來有二門

梵音讚佛

直言讚佛

為諸部眾禮敬三寶

為梵王帝釋三十三天福德增盛故

大眾和

敬禮常住三寶

為四大天王龍神八部日月星宿增益威光故

同前準此

為當今皇帝聖壽無窮擁護證法故

同前

為皇太后貴妃公主太子諸王福延萬

深信正法故

同前

為文武官僚常居祿位天下黎民信樂佛法故

同前準此

為師僧知識同會善友十方施主三塗八難離障願得解脫故

同前

為山神地神海神江神河神樹神晝神夜神空澤神苗稼神飲

食神草木神水火風神主空主藥主城主郭諸神靈祇等滅

罪增福故

同前

為國界安寧災危殄滅佛事興隆法輪常轉故

同前

為琰魔羅界十大獄帝三十大王三十三王三十六王十八獄

主主命主攝無毒諸鬼王等願得離苦解脫故

同前

為地府輔王小臣主部首領執枝功曹獄使主淨主水主鉄主

土主天十類罪人等願得離苦解脫故

同前

為十類孤冤三類九類十類餓鬼三十六類大力妖魅諸餓鬼

等願得離苦解脫故

同前



為十類傍生住海住水住地住空蛇類魚類蝦類象類馬類三  
十六億諸畜生等願得離苦解脫故同

次普禮真言

唵薩嚩末怛達遏怛巴得末唵難葛浪弥

功德山陀羅尼

南無沒達耶南無達麼耶南無僧伽耶席諦呼魯魯席度嚩吉  
利巴只利巴西達哩布嚕冷莎訶

花嚴十三禮

南無大方廣佛華嚴經中華嚴世界海十身無碍本尊毘盧遮  
那佛

南無大慈大悲五百誓願五濁苦釋迦牟尼佛

十方盡歸命 滅罪生淨信 願生華嚴海 極樂淨土中

南無東方滿月世界十二上願五濁救苦樂師琉璃光王佛

南無西方極樂世界四十八願五濁救苦阿彌陀佛

南無十方三世盡虛空界微塵刹土中大方廣佛華嚴經圓滿

教海

南無大方廣佛華嚴經中主於行願真理普賢菩薩

南無大方廣佛華嚴經中主於信解證智文殊師利菩薩

南無大慈大悲五濁救苦千手千眼觀世音菩薩

南無大願深重五濁救苦出無佛世安尉人心常處炎摩羅界



地藏菩薩

南無十方三世盡虛空界微塵刹土中十信菩薩十住菩薩十  
行菩薩十迴向善薩十地菩薩等覺菩薩等法界刹海微塵  
數善薩一切海眾

南無大方廣佛華嚴末會中修證五相處五十五聖者

南無大方廣佛華嚴末會中圓器上根百城求法一生之內善

薩行願為末世頓門修證軌範善財善薩

南無十方三世盡虛空界微塵刹土中法身色身形相舍利寶

塔寺字佛事一切又於法藏及講法處菩薩賢聖一切海眾

南無如來應化護持正法饒益有情賢賢授記一行圓通護法

國師

第四懺悔障

禮佛已竟於法坐前正身威儀恭敬踟跪右膝着地燒香散華

存想三寶罍塞虛空普賢菩薩無量莊嚴眷屬圍遶為懺悔

主一一皆如對目前一心一意生殷重心慚愧發露懺悔無量

劫來六根三業所造一切惡業斷相續心從於今時終不復

造其弟子比丘四恩三有法界眾生等並願斷除諸障至懺悔

我等自從無始劫不知自體本真常由此無明根本迷

熏此真心成妄識變起根身便知碍認為我相共安危

根識相資見六塵塵牽我愛生三毒三毒發於身口意



作諸惡業廣塵沙  
偷盜媮慾殺衆生  
綺語妄言惡罵詈  
慳貪兩舌食葷茹  
飲酒食肉斷慈悲  
輕慢三寶壓尊卑  
違逆二親欺眷屬  
不守六根常放逆  
唯懷三毒嫉賢良  
猜疑因果畜邪心  
公然造作無慚愧  
於佛常住招提物  
或借妄用不酬還  
受人信施不持齋  
動靜威儀多犯戒  
污穢伽藍常隱僻  
因官倚勢取人財  
不淨說法縱貪嗔  
對佛僧前無儀語  
令我輪迴墮地獄  
千生萬死苦難當  
皮骨相連餓鬼身  
渴遇水漿成猛炎  
畜生力盡償他債  
飛走忙忙怕殺傷  
曠劫不聞三寶名  
何時得證菩提果  
我今懺悔塵沙罪  
披肝露膽不包藏  
願佛不捨大慈悲

為作證明懺重罪  
積集多生滿藏識  
愛癡熏潤不焦枯  
願生順後到末時  
種發芽即受苦  
或生無間諸地獄  
身心痛切實難當  
或即生於餓鬼中  
腹餓喉乾千萬歲  
或住畜生償宿債  
蹄穿脊爛受刀針  
今若昏癡不懺除  
命終剎那即如此  
或雖引生人道  
別報衆多苦宿緣  
愛離怨會病纏身  
水火刀兵諸變恠  
我觀身命如風燭  
誰能保得幾多時  
故今恐懼切心腸  
投佛求哀願救拔  
或即滅除全免受  
或令身受重為輕  
唯願諸佛證明心  
免令報障障修道

次結懺悔滅罪印



唵薩哩縛巴巴噴悉苦怛捺葛捺末唎囉莎賀

百結積集罪 一念頓盪除 如火焚枯草 滅盡無有餘

我昔所造諸惡業 皆由無始貪嗔癡 從身語意之所生

一切我今皆懺悔

懺悔已至心歸命禮本尊毘盧遮那佛

五隨喜功德

十方一切諸衆生 二乘有學及無學 一切如來與菩薩

所有功德皆隨喜

隨喜已至心歸命禮 云云

六請轉法輪

十方所有世間等 最初成就善提者 我今一切皆勸請

轉於無上妙法輪

請轉已志心歸命禮 云云

七請佛住世

諸佛若欲示涅槃 我悉至誠而勸請 唯願久住刹塵劫

利樂一切諸衆生

勸請已至心歸命禮 云云

八常隨佛學

我隨一切如來學 脩習普賢圓滿行 供養過去諸如來  
及與現在十方佛 未來一切天人師 一切意樂皆圓滿



我願普隨三世學 速得成就大菩提  
隨學已至心歸命禮云云

九恒順眾生

所有十方一切刹 廣大清淨妙莊嚴 眾會圍遶諸如來  
悉在善提樹王下 十方所有諸眾生 願離憂患常安樂  
獲得甚深正法利 滅除煩惱盡無餘  
隨順已志心歸命禮云云

十普皆迴向

所有禮讚供養福 請佛住世轉法輪 隨喜懺悔諸善根  
迴向眾生及佛道

迴向已志心歸命禮云云

弟子比丘等為一切眾生故志心發願

一受持願

我為善提脩行時 一切趣中 宿命 常得出家修淨戒  
無垢無破無穿漏 天龍夜叉鳩盤荼 乃至人與非人等  
所有一切眾生語 悉以諸音而說法

二脩行二利願

勤脩清淨波羅蜜 恒不忘失善提心 滅除障垢無有餘  
一切妙行皆成就 於諸惑業及魔境 世間道中得解脫  
猶如蓮花不着水 亦如日月不住空



三成熟衆生願

悉除一切惡道苦 等與一切群生樂 如是經於剎塵劫  
十方利益恒無盡 我常隨順諸衆生 盡於未來一切劫  
恒脩普賢廣大行 圓滿無上大菩提

四不離願

所有與我同行者 於一切處同集會 身口意 皆同等  
一切行願同脩學 所有益我善知識 為我顯示普賢行  
常願與我同集會 於我常生歡喜心

五供養願

願常面見諸如來 及諸佛子衆圍遶 於彼皆興廣大供

盡未來劫無疲厭 願持諸佛微妙法 光顯一切菩提行  
究竟清淨普賢道 盡未來劫常脩習

六利益願

我於一切諸有中 所脩福智恒無盡 定慧方便及解脫  
獲諸無盡功德藏 一塵中有塵數刹 一一刹有難思佛  
一一佛處衆會中 我見恒演善提行

七轉法輪願

普盡十方諸刹海 一一毛端三世海 佛海及與國土海  
我徧修行經劫海 一切如來語清淨 一言具衆音聲海  
隨諸衆生意樂音 一一流佛辨才海 三世一切諸如來



於彼無盡語言海

恒轉理趣妙法輪

我深智力普能入

八淨土願

我能深入於未來

盡一切劫為一念

三世所有一切劫

為一念際我皆入

我於一念見三世

所有一切人師子

亦常入佛境界中

如幻解脫及威力

九承侍願

於一毛端及微中

出現三世莊嚴刹

十方塵刹諸毛端

我皆深入而嚴淨

所有未來照世燈

成道轉法悟群有

究竟佛事示涅槃

我皆往詣而親近

十成正覺願

速疾周徧神通力

普門徧入大乘力

智慧普修功德力

威神普覆大慈力

遍淨莊嚴勝福力

無着無衣智慧力

定慧方便諸威力

普能積集菩提力

清淨一切善業力

摧滅一切煩惱力

降伏一切諸魔力

圓滿一切諸行力

願我臨欲命終時

盡除一切諸障礙

面見彼佛阿彌陀

即得往生安樂刹

我既往生彼國已

現前成就此大願

一切圓滿盡無餘

利樂一切衆生界

彼佛衆會咸清淨

我時於勝蓮花生

親睹如來無量光

現前授我菩提記

蒙彼如來授記已

化身無數百俱低

智力廣大遍十方

普利一切衆生界

乃至虛空世界盡

衆生及業煩惱尽



如是一切無盡時 我願究竟恒無盡  
發願已至心歸命禮云云

白衆等聽說寅朝無常偈

欲求寂滅樂 當學沙門法 衣食計身命 精麁隨衆等  
諸衆等寅朝 清淨記六念

各念無常偈

諸行無常 是生滅法 生滅滅已 寂滅為樂

如來證涅槃 永斷於出死 若能志心聽 常得無量樂

午時無常偈

人生不精進 喻若樹無根 採花值日中 能得幾時鮮

華亦不久鮮 色亦非常好 人命如剎那 須臾難可保

是故勸衆生 勤脩無上道

黃昏無常偈

是日已過命亦隨滅如少水魚斯有何樂衆等當勤精進如  
救頭然但念無常苦空慎勿放逸

黃昏無常偈

西方日已暮 塵勞猶未除 老病死時至 相看不久居  
念念摧年促 猶如少水魚 勸諸禮佛衆 修學至無餘

初夜無常偈

煩惱深無底 生死海無邊 渡苦舡未立 云何樂睡眠



睡眠常覺悟 捫心常在禪 勇猛勤精進 菩提道自然

初夜偈

人間四相無暫住 念念猶如石火光 不知二鼠侵藤細  
縱暴三 競分張 恃已威雄勢持力 凌他鈍弱起豪強  
不知身喪命終後 百年萬劫受災殃 速須親近善知識  
日夜息慮念無常 設未得超生死海 且須未世布橋樑

又偈

人生忽忽營中務 不竟年命日夜去 如風中燭滅難期  
六道忙忙無定趣 未得解脫離苦海 云何安然不驚懼  
各聞強健有力時 自營自勵求常住

中夜

汝起勿抱臭屍臥 種種不淨假名身 三百碎骨相連綴  
漏躰何曾有片真 如得重病箭入躰 諸苦痛疾安可眠

又偈

比丘汝起起 何以着睡眠 睡眠有何利 病時起何眠  
利刺刺身時 云何得睡眠 汝今捨家時 出離之所願  
當知其本願 日夜求精進

後夜無常偈

神光迅流轉 迄至五更初 無常念念至 恒與生死隨  
勸諸行道者 修學至無餘



六時通用偈

世界不牢固 如水沫泡炎 汝等咸應當 疾生厭離心

啓白賢聖

仰白十身徧照佛 華嚴世界諸如來 娑婆本師釋迦尊

普賢文殊諸上首 刹海聖眾并眷屬 華嚴會中諸上人

釋梵諸天眾類神 獲得他心道眼者 並願不捨慈悲力

證明我等二眾人 為修行願摠持門 其時志心同禮懺

即將所脩功德總用莊嚴法界刹海眾生當天仙不墜悟着樂

而非常國主清平 真乘而是勝群僚常居祿皆忻圓頓教門

人民永保安寧咸修覺照之道師僧父母福慶汪洋信士檀那

萬行圓滿三塗俱時離苦八難並悉消除鑊湯變為清涼池鉄

床化作蓮華座息悲痛之嚮同念佛之音人人有返本之心各

各悉還源之照常發今願當願俱不退心觀行令 同 華嚴

海會為上良緣念

清淨法身毘盧遮那佛 圓滿報身盧舍那佛

三類化身釋迦牟尼佛 十二上願藥師琉璃光佛

四十八願阿彌陀佛 大行普賢菩薩摩訶薩

大智文殊師利菩薩摩訶薩 大悲觀世音菩薩摩訶薩

大願地藏王菩薩摩訶薩 大聖遍法界菩薩摩訶薩

摩訶般若波羅蜜



處世界如虛空如蓮花不着水心清淨超於彼稽首  
禮無上尊

旋遠念佛 燒香散花

南無法界十方佛 南無法界十方法 南無法界十方僧

南無毘盧遮那佛 南無釋迦牟尼佛

南無大方廣佛花嚴佛 南無普賢大菩薩

南無文殊師利菩薩 南無法慧大菩薩

南無功德林菩薩 南無金剛幢菩薩

南無金剛藏菩薩 南無文殊等五十五聖者

南無善財菩薩摩訶薩 南無法界刹海塵數眾

佛 躰解於大道 一切無所得

自歸依法當願諸眾生洞明於教藏 智慧深如海

僧 同禮於大眾 速發無上意

上來禮懺功德無限勝因等 將廻施法界眾生和南  
一切賢聖

法性本空寂 無取亦無見 性空即是佛 不可得思量

若人欲了知 三世一切佛 應觀法界性 一切惟心造

一中解無量 無量中解一 了彼牙生起 當來無所畏

若人欲 真空理 身內真入還徧外 情與無情共一躰

處處皆因真法界 只用一念觀一境 一切諸境同時會



於一境中一切智 一切智中諸法界 一念超入於多劫  
一念劫取一切 時處帝網現重重 一切智中無罣碍  
捺麼薩曼怛莫多喃啞不囉帝葛怛折拏難你唵雞你雞你  
怛達遏答能末幹散叮不囉帝為怛達摩怛摩怛達遏答能  
末幹叫變莎賀

毘盧遮那灌頂呪

唵啞麼遏尾魯左捺麼遏麼能囉摩祢巴能麼撮囉不刺幹唵  
怛耶吽

正坐思惟

上來十門等事行方便一一如文見法不得滯文迷意須令全  
理之事了了當情便入觀行以為久長所緣之境也拏念禁意  
閉目端身結跏趺坐志心諦想無邊刹海三世一切如來於一  
一佛菩薩前懇懃恭敬作禮圍遶又以種種供具雲海供養如  
是等一切聖衆廣供養已應觀自心本無生滅法尔元成光明  
普照猶如虛空又深起慈念怜愍衆生不悟自心轉輪諸趣我



皆化度令得開解又觀自心及諸佛心本無差別平等一相成大善提心明徹清淨廣大周遍圓滿白淨成成大月輪等虛空量無有邊際於彼月輪上想一金色啞字放無量光遍十方界一一光中有無量佛刹一一佛刹有無量諸佛一一諸佛善薩圍遼成等正覺智入三世身遍十方轉大法輪救衆生善成佛畢已諦想啞字自性無生真理一切想空依自性而住若倦時誦短啞字二十一遍

廣大教願文

南無十方三世盡虛空界常住佛法僧寶上師本尊猛母明王世出世間護法善神慈悲廣大誓願弘深威力難量神通莫測

盡知盡見願作證明唯願摩訶施主某甲而為上首并諸眷屬法界有情十惡五逆十習六報悉願消除三餘四障三業六根悉願清淨毀犯禁戒違越法律定慧周圓不敬三寶不信因果罪障消除分別妄想愛着我人業習消除貪求利養雜亂濁心悉願棄捨福德豐饒威力增勝長壽無病所願随心諸魔鬼魅外道冤家願令退散惡星龍神部多施碍悉願摧壞九般橫死捨冤恨心十類孤冤報債力債食債財債悉願捨離牙殺牙害牙相食獸悉願解脫天地和而萬物生陰陽調而風雨順三力令增長百穀願豐饒四野安寧萬民樂業護國天入山星耀顯蓋威光敬法地祇龍神願增福力五濁三灾願令降伏而出離七



難八怖願得解脫而超昇三世剎中興隆佛事十方世界恒轉法輪國土人民令快樂末世佛法願令增盛有情於三寶處而起信心衆生於八福田中而脩行願四事皆具足七財得豐饒人人盡發菩提意各各圓滿大悲心上報四恩下濟八難我及有情願共成佛又願讀經讚嘆梵音願遍於塵方念佛誦呪神力普周於沙界華香燈塗衣食寶鬘悉遍供養於凡聖螺鼓樂音鈴鐸和雅皆能響遍於乾坤八方普震作十八變三界九有同霑法雨六道四生共出苦願一切見聞隨喜咸生歡喜之心普使有情離苦獲樂歸依三寶發菩提心見佛聞法願證菩提我等善根功德力及以法界緣起力如來拏受威神力秘密呪印加持力上師知

識愍念力護法善神輔助力所求願事速令圓滿

十類孤魂文

南無十方三世盡虛空界常住佛法僧寶上師本尊猛母明王世出世間護法善神慈悲廣大誓願弘深威力難量盡知盡見願作證明哀愍護念法界地府獄中閻羅天子十八獄帝三十大王三十六王十八獄帝牛頭阿傍馬頭羅刹主命主拏無毒鬼王九位二十四司助王小臣掌部首領執杖主淨主水主鐵主土主天善惡童子一切功曹獄吏驃馬執鎗一切罪人又地上檢察者帝釋四王太子諸將六齋八王三十二忍臣四忍大王五道大神又十類孤魂者



第一法界一切守疆護界陳力委命軍陣相持為國正身官負  
將士兵卒孤魂衆

第二法界一切負財欠命情識拘繫生產致命冤家債主墮胎  
孤魂衆

第三法界一切輕薄三寶不孝父母十惡五逆邪見孤魂衆

第四法界一切江河水溺大海為商風浪飄沉採寶孤魂衆

第五法界一切邊地邪見致命蠻夷孤魂衆

第六法界一切拋離鄉井客死他州無依無托游蕩孤魂衆

第七法界一切河井刀索赴火投崖墻崩屋到樹折巖摧獸咬

虫傷橫死孤魂衆

第八法界一切獄中致命不遵王法賊寇劫盜抱屈啣冤大辟

分屍犯法孤魂衆

第九法界一切奴婢結使勤勞陳力委命貧賤孤魂衆

第十法界一切盲聾瘖瘂足跛手拳疾病纏綿癰疽殘害線寡

孤獨無靠孤魂衆

又法界面然鬼王所統荔利部多百億河沙餓鬼非我見聞有

名無名塵沙種旋人間依於草木附彼城隍啣冤魂識品物精

靈自殘自盡軍陣亡身無依無托遺骸暴骨乏祭饒魂魘魅魍

魎幽魂滯魄靈鄉等衆又有大力妖魅鬼惱人鬼內障鬼外障

鬼無碍鬼又有九類十類三十六類鬼衆惟願



佛法僧寶力法界緣起力大北觀音力深願地藏力今我所修  
功德力秘密呪印加持力稱七女成名號力誦經法無善根力  
今皆召請法界孤魂餓鬼種類一切眷屬如雲而集變此飲食  
於虛空中遍滿法界一切山原大地誦出清冷之池所有碧沼  
江河變成廣大乳海二十類生法食飽滿二十五有樂具資圓  
三業證明六根清淨身心輕安清涼快樂福智增輝所求圓滿  
皈依三寶發菩提心修菩薩行得成佛道

衆和隨願  
所成

### 然燈文

夫佛前然燈功德者摩醯首羅佛處然燈三盞感三目具智神  
通阿那律尊塔前以箭挑燈得天眼見三千界難陀貧女然微

小燈受記明燈光佛聖有比丘學他施供當來號曰然燈長者  
女助人點燈名釋迦佛無諍王身執置燈燭為無量光藥王菩  
薩然臂燒身竭折里王然燈剗肉有河可說若復有人暫時發  
心於一佛處然施一燈一時供養所獲之福唯佛能知小果聲  
聞窮不能盡何況至誠然諸多燈所獲勝益不可校量如人求  
者福報尚得涅槃之因何況趣大菩提不證無為之果大哉奇  
哉施燈功德不可思議顯矣其及助緣隨喜等然燈勝益者智  
燈朗耀如日昇於麗天慧焰燦然似摩尼現於寶鏡油如海  
水炷喻須彌器量三千光照百萬先聖然燈之行前已伸陳佛  
經讚聖之緣後皆畧說然燈經中供養功德願皆具足正念器



圓信願炷直增大悲油大智光盛佛祖心燈明明不斷摩尼珠  
網互徧重重心光炳煥心燈朗然我所發心願無錯謬三界六  
趣遇燈光而暗滅二十五有蒙慧焰而智生三身二足福智圓  
滿三心十身願行具足五眼十眼五智神通自在而發生三光  
十光三明十明光明具足而圓滿又願摧壞八萬四千煩惱魔  
軍徧照八萬八千行門法藏圓滿八萬四千於好光明莊嚴八  
萬四千寶花彩色得十華嚴妙嚴之身淨十方界刹海之中又  
願紹祖傳燈圓馬鳴龍樹之行弘揚教藏滿天台清涼之願近  
生極樂遠遊華嚴總報四恩救拔五濁又願王臣增政化民庶  
各安寧護國天仙星辰威光增益護法地祇龍神福力加詳三

劫五濁而殄滅七灾八難而消除三力令增長四德週圓七寶  
具足百穀豐登佛事興隆法燈轉盛衆生皆離苦同證涅槃鄉  
唯願三寶正知諸佛助緣觀音垂慈心地藏願救拔我及一切  
衆生同滿此願

隨願所成

佛前然燈善根力 靈明果海自周圓 身心智眼照三十  
悲願光明徹大千 重重帝網嚴刹海 燈燈法輪永流傳  
供雲含攝輝真界 翳瘡網壞顯真源 臨終離苦無迷乱  
正安正念得現前 徧照諸方瞻妙色 光明顯現礼金仙  
念念厭此娑婆苦 心心求彼勝因緣 明明相續見佛面



光光引道座寶蓮 我今信心善根力 法界緣起力無邊  
佛法僧寶本願力 所求隨意速皆圓

經云時佛世尊以淨妙梵音於大會中說此

警白大陀羅尼神呪

唵薩哩巴合怛達引遏怛麻你  
哩麻合訖哩捺路啞遏哩唎麻你  
捺也麻祢合莎訶

護國大千偈

此世界中及與他世界  
如是人中第一天中天

最上宮內所有殊勝寶  
等齊如來尊者無少分

是故說與最上殊勝寶  
漏盡離欲無為甘露法  
如此寂滅無為真甘露  
是故說為最上殊勝寶  
為求無上依理真實說  
如斯獲得不二金剛定  
是故說與最上殊勝寶  
八輩大聖人天實堪讚  
彼大仙人數取無為故  
於此布施獲得大果報

如是真諦汝願得安樂  
能仁釋迦牟尼親演說  
與此妙法等同無少分  
如是真諦汝願得安樂  
恒修道師無彼禪定故  
與此大眾等同無少分  
如是真諦汝願得安樂  
及與名稱四種二人者  
是故殊勝是處善逝說  
猶如肥濃地中值種子



是故說與最上殊勝寶  
若人用意堅固殷勤故  
得此意者能入甘露門  
是故說與最上殊勝寶  
如斯見者速入於真諦  
疑惑等類三種之煩惱  
是故說與最上殊勝寶  
以於身語意中三種內  
若以造作惡業不復藏  
是故說與最上殊勝寶

如是真諦汝願得安樂  
以能入於牛怛馬法中  
速能正得無上之涅槃  
如是真諦汝願得安樂  
身是及與禁戒取執勝  
一時弃捨現成真勝諦  
如是真諦汝願得安樂  
諸不善業誓願不復造  
我執心故此是為不可  
如是真諦汝願得安樂

猶如帝釋大樹住地上  
親見最妙聖諦道之人  
是故說與最上殊勝寶  
最大智慧尊者真實說  
若捨身命意中憶念時  
是故說為最上殊勝寶  
大猛火聚被風吹壞散  
能令諸結繫縛勝勢子  
是故說與最上殊勝寶  
一切有情人與非人等

四方風吹而令不能動  
亦與大眾賢聖亦同等  
如是真諦汝願得安樂  
以修四種聖諦或修入  
是人現世不逢於八難  
如是真諦汝願得安樂  
以手取及不可知限量  
得入不可此與無為界  
如是真諦汝願得安樂  
此等悉皆汝願得安樂



最上人天道師應供養  
一切有情人與非人等  
寂滅人天離欲應供養  
一切有情人與非人等  
諸集尊會者諸為上首  
所有世間出生來到此  
常於人世衆生起慈心  
此是勝怨敵上能勝人  
一切大怖畏中得解脫

敬禮正覺汝願得安樂  
此等悉皆汝願得安樂  
敬禮妙法汝願得安樂  
此等悉皆汝願得安樂  
敬禮大眾汝願得安樂  
或住地上或居虛空中  
晝夜依時恒修微妙法  
真實語中演說無虛妄  
如是真諦汝願得安樂

金剛手讚

希有明滿希明滿	希有明滿微妙行	為他惡趣獲清淨
安住菩提之行中	諸佛已前成正覺	不解垢染皆摧滅
持金剛王大金剛	持身語意之金剛	金剛身者廣大身
金剛手處稱讚禮	金剛肢者勝金剛	金剛熾然大熾然
金剛迅力大迅力	金剛器械大器械	手執金剛廣大手
以金剛箭能透徹	金剛快利極快利	大中極大如大海
金剛蓮華大菩提	正覺菩提自出現	金剛大者是廣大
金剛幻化皆清淨	金剛迴施大施礙	金剛蓮華悉清淨
金剛忿怒大暴惡	金剛摧滅諸魔礙	金剛怖畏大擁護
金剛鐵鈞作利益	金剛起屍大起屍	金剛妖精能喫飲



金剛施碍大施碍

金剛邪魔勝金剛

金剛怖畏大暴惡

金剛怖畏能驚懼

難求能習至殊勝

金剛微妙令歡喜

金剛歡喜大歡喜

金剛歡喜能自在

光明悅意大悅意

同於虛空等無異

一切所隨能圓滿

金剛灌頂殊勝寶

金剛寶幢功德尊

金剛智者是大智

無量明仙而供養

曷辣曷辣大黑色

具大音聲能摧壞

金剛貪欲大貪欲

能淨濁惡早劣念

一刹那頃斷疑惑

舌上熾然如閃電

金剛火中調暴惡

極暴容相現諸方

面如千日光赫奕

目紅熾然能怖畏

無量忿怒如光出

於諸手中持百器

能現多面亦復然

瓔珞嚴飾衆圍遶

離諸識變之身相

所有妄念皆棄捨

能摧無明是大梵

貪欲嗔恚染際盡

幻化變八具金剛

能奪執持三股叉

貪嗔痴等大煩惱

有情無情能清淨

明滿明滿及了解

柔善調伏具大喜

明滿自性清淨心

金剛最極大勇識

則是普賢大普賢

一切相好悉莊嚴

普遍三界之自性

一切金剛自性尊

是故我今皈命禮

下吉祥忿怒偈

八萬四千大忿怒

百億河沙力跡神

誦呪神力等虛空

吽發吼聲遍法界

我等障礙盡消除

厄毒惡難悉無餘

餘不能碍又勝勢

迴遮結界獲柔善

身心開通生正念



福慧增盛願圓滿 身心平等為吉祥 哀愍弟子願相受

願晝吉祥夜吉祥 願諸善神恒擁護 我等信心善根力

及以法界緣起力 佛法僧寶本願力 所求隨意皆圓滿

往生極樂偈

我今皈命應救護 從此世界至西方 極樂世界淨土中

彼國究竟正覺處 如來應供無量壽 若有誦彼佛名者

相受彼生極樂國 臨終得見諸瑞相 獲見一切比丘眾

彼國清淨無女人 無胎生等諸眾類 以神通力往彼國

化生眾寶蓮華內 飲食衣服諸湯業 法衣臥具妙器等

若或意中憶念時 隨意變化無有闕 十方世界諸如來

皆悉稱讚極樂國 諸佛神力不思議 正法功德不思議

賢聖大眾不思議 若能信彼不思議 異熟果以不思議

願我往生極樂國 一切魔類皆柔善 淨除一切諸惡道

永興諸佛正法藏 法界眾生常安隱 所有菩提勇識者

一切所有速成就 將此持誦諸功德 師長國王及大臣

施主父母并親友 乃至法界諸眾生 遠離一切諸罪垢

恒不忘失菩提心 速願同生極樂國

安土地用

我等欲宣金口教 先須召請四天王 應化随心降道場

十方百億諸賢聖 毘盧化現三身相 五部曼拏大力尊



應於法界救衆生 先辟邪魔妖鬼魅 故知明為吉祥地  
河沙聖衆盡安居 慮恐戶尉及門神 井竈宅龍并土地  
聞聲秘密心驚怖 恐怕東西住不安 如來神力妙難思  
故知真言與安樂 初須隨順瑜珈教 合掌處心聽密言  
總願同生佛會前 作禮虔誠歸本位  
佛說虛空藏菩薩護法龍神僻除邪魔外道諸惡鬼神並願降  
伏安土地大消災吉祥陀羅尼神妙章句真言  
南無三滿多沒馱喃唵度嚧度嚧地尾莎縛訶 三遍

尊勝讚嘆

虛空自性清淨身 千種華鬘而嚴飾 能破有情無明暗

頂尊佛母我禮讚 具足威力超十地 亦圓十種波羅蜜  
為諸如來至尊母 壽無量者我讚禮 諸方無比最獨尊  
思念智慧悉具足 遠離障礙金剛身 無餘功德我讚禮  
於三界內最為尊 一切如來皆讚嘆 能斷難斷業障縛  
鋒利大慧我讚禮 少容圓滿雪山色 八臂三面各三日  
能迴中天令延壽 善壞死亡我讚禮 於三惡趣苦海中  
輪迴受苦無餘等 是大慈悲悉救度 能淨惡趣我讚禮  
諸善逝說語真心 蜜呪成就修習母 諸持明呪常圍遶  
甘露灌頂我讚禮 若於佛母歸依者 悉能度於大苦海  
令登解脫安隱處 金剛王母我讚禮 我今五濁惡時生



一切衆苦逼切身 或遇罪垢惡伴侶 大神通母願保護  
內外怨魔疾病等 願令消滅盡無餘 吉祥安隱悉豐足  
度脫苦海諸有情 三面八臂頂尊母 觀音金剛四忿怒  
善滿主宰及謹壇 三身四智我讚禮

遍地華

歸依佛補處慈氏如來居內院蓮花臺人間早願下生來便植  
龍華三會遙歌呶歌樂散花五雲先墜雲先墜表理吾皇嘉瑞  
瞻相好証三昧妙幢頂禮奉慈尊耳聽蕭韶歌呶出三界兜率  
陀天面禮千秋萬歲  
歸依法玉軸金文寶偈全三性明明紫檀香墨布金書鎮在龍

王宮裏色空義聞者凡夫便燈十地登十地華藏海中遊戲金  
函滿香風吹却來人世散天花祝讚當今皇帝當今皇帝帝子  
王孫千秋萬歲

皈依僧羅漢聲聞無數應供養十方僧齒白珂雪映丹唇解悟  
三乘法語祇園福德長壽琛明資明主玉業金枝永固持金錫  
降龍虎身披異種紫檀衣進止威儀祥瑞真堪慕廣人天大衆  
豪富

五供養

末則囉訶花供養末則囉訶耶花供養末則囉訶花供養末則囉訶  
耶花供養

香灯塗  
菓同前



如是十方世界中 世間所有勝妙華 十方三世三寶前  
我金真實而奉獻 諸妙花香與燈燭 最上塗香及飲食  
衣服瓔珞莊嚴蓋 伎樂歌舞并讚嘆 承順如來之境界  
遍滿無邊虛空際 我於一切如來前 隨意變現而供養

香華弥陀禮

一切恭敬敬禮常住三寶是諸衆等入各踴跪嚴持香花如法  
供養願此香花雲遍滿十方界供養一切佛化佛并菩薩無數  
声聞緣覺衆受此香花雲以為光明臺廣於無邊界無量無盡  
願作佛事

南無阿弥陀佛接引初地他受用身  
南無阿弥陀佛位超十地果滿三祇  
南無阿弥陀佛頂上肉髻烏瑟尼吒  
南無阿弥陀佛眉間白毫大人相光  
南無阿弥陀佛背題萬字足躡千輪



南無阿彌陀佛乃至八萬四千相好光明  
南無阿彌陀佛一百四十種不共功德我皆敬禮

南無阿彌陀佛所有行願我皆修學

南無阿彌陀佛所說妙法總願得聞

南無阿彌陀佛所有眷屬諸大菩薩

南無阿彌陀佛觀音勢至等我皆敬禮

南無阿彌陀佛法界藏身

能入衆生心相之中心不離佛佛不離心是佛是心念佛念心  
心行佛行即是佛心願弟子臨命終時七日已前命盡時至身  
不顛倒心不散亂無諸痛苦無諸惶怖正念現前決定往生極樂

世界到彼土已便得見佛得聞妙法悟無生忍得宿命智具六  
神通遊歷十方奉侍諸佛却來此界攝化衆生安住大乘得不  
退轉盡未來際行菩薩道速証無上正等菩提普願法界衆生  
同滿此願

南無曷囉怛那怛囉野夜那謨室戟吒跋戟吒勾摩耶唵杜魯  
地尾吽吽發吒娑縛訶

普念處世界如虛空如蓮花不著水心清淨超於彼稽首禮無  
上尊三檀等施六度齊修無漏果圓皆共成佛道

一心信禮盡十方法界常住唵薩哩縛佛陀耶南無窣覩帝  
一心讚禮盡十方法界常住唵薩哩縛達磨耶南無窣覩帝



一心敬禮盡十方法界常往唵薩哩嚩僧伽耶南無窣覩帝

極樂世界彌陀佛

啓首皈命極樂國 大聖彌陀救沉溺 三十二相悉莊嚴

八十種好皆圓備 至心敬願無量劫 所造無邊十惡業

一稱一禮願消除 臨終彌陀親來接 願生上品蓮臺裏

花開親禮紫金鉢 白毫願照弟子身 刹那超昇不退地

得生西方極樂刹 面奉慈尊聞妙法 我等同行奉香花

供養十方佛菩薩 衆等今將勝功德 迴向真如佛菩提

法界含靈普霑恩 命盡同生安樂國 臨終接引彌陀佛

觀世音菩薩 四十八願彌陀佛 大勢至菩薩

一十二名彌陀佛 極樂海會諸菩薩 五須彌光彌陀佛

當今皇帝壽萬歲 六僧祇壽彌陀佛 四恩三友證菩提

壽光具足彌陀佛 法界亡靈願成佛 願名具足彌陀佛

疾病災難願消除 今辰施主增慧福 三寶慈悲願加護

同證極樂彌陀佛 摩訶般若波羅蜜

皈依禮佛竟 所獲殊勝因 施法界有情 皆共成佛道

阿僧祇品

不可言說不可說 充滿一切不可說 不可言說諸劫中

說不可說不可盡 不可言說諸佛刹 皆悉碎末為微塵

一塵中刹不可說 如一切皆如是 此不可說諸佛刹



一念碎塵不可說 念念所碎悉亦然 盡不可說劫恒尔  
此塵有刹不可說 此刹為塵說更難 以不可說算數法  
不可說劫如是數 以此諸塵數諸劫 一塵十萬不可說  
尔劫稱讚一普賢 無能盡其功德量 於一微細毛端處  
有不可說諸普賢 一切毛端悉亦尔 如是乃至遍法界  
一毛端處所有刹 其數無量不可說 盡虛空量諸毛端  
一一處刹悉如是 彼毛端處諸國土 無量種類差別住  
有不可說異類刹 有不可說同類刹 不可說言毛端處  
皆有淨刹不可說 種種莊嚴不可說 種種奇妙不可說  
於彼一一毛端處 演不可說諸佛名 一一名有諸如來

皆不可說不可說 一一諸佛於身上 現不可說諸毛孔  
於彼一一毛孔中 現衆色相不可說 不可言說諸毛孔  
咸放光明不可說 於彼一一光明中 悉現蓮花不可說  
於彼一一蓮花內 悉有衆葉不可說 不可說華衆葉中  
各現色相不可說 彼不可說諸色內 復現衆葉不可說  
葉中光明不可說 光中色相不可說 此不可說色相中  
一一現光不可說 光中現月不可說 月復現月不可說  
於不可說諸月中 一一現光不可說 於彼一一光明內  
復現於日不可說 於不可說諸日中 一一現色不可說  
於彼一一諸色內 又現光明不可說 於彼一一光明內



現不可說師子座  
一一嚴具不可說  
一一光明不可說  
光中妙色不可說  
色中淨光不可說  
於彼一一淨光內  
復現種種妙光明  
此光復現種種光  
不可言說不可說  
如是種種光明內  
各現妙寶如須彌  
一一光中現寶  
不可言說不可說  
彼如須彌一妙寶  
彼如須彌一妙寶  
現眾刹土不可說  
以一刹土未為塵  
不可言說不可說  
盡須彌寶無有餘  
示現刹土不可說  
眾刹為塵有相  
不可言說不可說  
一塵色相不可說  
皆出光明不可說  
光中現佛不可說  
如是種種諸塵相  
法中妙偈不可說  
聞偈得解不可說  
佛所說法不可說  
法中妙偈不可說  
示現未來一切佛  
不可說解念中  
顯了真諦不可說

常演說法無窮盡  
一一佛法不可說  
種清淨不可說  
出妙音聲不可說  
轉正法輪不可說  
於彼一一法輪中  
演修多羅不可說  
於彼一一修多羅  
分別法門不可說  
於彼一一諸法中  
於彼一一法門中  
又說諸法不可說  
不可說却常安住  
調伏眾生不可說  
或復於一毛端處  
其心無碍不可說  
如一毛端餘悉然  
所住劫數皆如是  
復現於化不可說  
變化諸佛不可說  
一一變化諸如來  
莊嚴無量不可說  
彼佛法身不可說  
彼佛分身不可說  
莊嚴無量不可說  
往詣十方不可說  
周行國土不可說  
觀察眾生不可說  
清淨眾生不可說  
調伏眾生不可說  
彼諸莊嚴不可說



彼諸神力不可說  
所有神通不可說  
所住世間不可說  
於彼一一修多羅  
又說諸法不可說  
於彼一一決定中  
不可言說同類心  
不可言說異類根  
調伏衆生不可說  
於中時劫不可說  
彼諸自在不可說  
所有境界不可說  
清淨實相不可說  
演說法門不可說  
於彼一一諸法中  
調伏衆生不可說  
不可言說異類法  
不可言說異類語  
所有神變不可說  
於中差別不可說  
彼諸神變不可說  
所有加持不可說  
說修多羅不可說  
於彼一一法門中  
所有決定不可說  
不可言說同類法  
不可言說異類心  
念念於諸所行處  
所有示現不可說  
善薩悉能分別說

諸明竿者莫能辨  
如是一切不可說  
其塵無量不可說  
此諸國土不可說  
而彼國土俱來集  
如一國土不乱餘  
悉布毛端使充滿  
於一微細毛孔中  
諸刹不能遍毛孔  
於此行列安住時  
一毛端處大小刹  
一一明了可分別  
如是塵數無邊刹  
共集毛端無迫隘  
於中所有諸國土  
一切國土皆如是  
如是毛端諸國土  
不可說刹次第入  
入時劫數不可說  
一切諸劫無能說  
雜染清淨麤細刹  
以一國土碎為塵  
俱來共集一毛端  
不使毛端有增大  
形相如本無雜亂  
虛空境界無邊際  
善薩一念皆能說  
毛孔能受彼諸刹  
受諸劫數不可說  
於是攝受安住已



所有境界不可說  
入時方便不可說  
入已所作不可說  
意根明了不可說  
遊歷諸方不可說  
勇猛精進不可說  
自在神變不可說  
所有思惟不可說  
所有大願不可說  
所有境界不可說  
一切通達不可說  
身業清淨不可說  
語業清淨不可說  
意業清淨不可說  
信解清淨不可說  
妙智清淨不可說  
妙慧清淨不可說  
了知實相不可說  
斷諸疑惑不可說  
出離生死不可說  
超昇正位不可說  
甚深三昧不可說  
了達一切不可說  
一切衆生不可說  
一切佛刹不可說  
知衆生身不可說  
知其心樂不可說  
知其業果不可說  
知其意解不可說  
知其品類不可說

知其種性不可說  
知其受身不可說  
知其生處不可說  
知其正生不可說  
知其生已不可說  
知其解了不可說  
知其趣向不可說  
知其言語不可說  
知其作業不可說  
菩薩如是大慈悲  
利益一切諸世間  
普現其身不可說  
入諸佛刹不可說  
見諸菩薩不可說  
發生智慧不可說  
請問正法不可說  
敷揚佛教不可說  
現種身不可說  
詣諸國土不可說  
示現神通不可說  
普遍十方不可說  
處之分身不可說  
親近諸佛不可說  
作諸供具不可說  
種之無量不可說  
清淨衆寶不可說  
上妙蓮花不可說  
寂勝香鬘不可說  
供養如來不可說  
清淨信心不可說



寂勝悟解不可說  
修行布施不可說  
一切悉施不可說  
讚嘆諸佛不可說  
無生法忍不可說  
起大精進不可說  
不傾動心不可說  
寂然在定不可說  
三昧自在不可說  
修無量行不可說

增上志樂不可說  
其心過去不可說  
持界清淨不可說  
愛樂正法不可說  
具足寂靜不可說  
其心過去不可說  
一切定藏不可說  
了達諸禪不可說  
了達諸法不可說  
發廣大願不可說

恭敬諸佛不可說  
有求皆施不可說  
心意清淨不可說  
成就諸忍不可說  
住寂靜地不可說  
不退轉心不可說  
觀察諸法不可說  
智惠通達不可說  
明見諸佛不可說  
甚深境界不可說

清淨法門不可說  
彼諸正念不可說  
學甚深智不可說  
彼諸法智不可說  
彼大法雨不可說  
入空寂智不可說  
念念恒住不可說  
諸刹差別不可說  
無邊色相不可說  
清淨佛土不可說

菩薩法力不可說  
彼諸法界不可說  
無量智惠不可說  
彼淨法輪不可說  
彼諸神力不可說  
念念相續不可說  
諸佛刹海不可說  
種、清淨不可說  
種、間錯不可說  
雜染清淨不可說

菩薩法住不可說  
修方便智不可說  
究竟智惠不可說  
彼大法雲不可說  
彼諸方便不可說  
無量行門不可說  
悉能往詣不可說  
差別莊嚴不可說  
種、妙好不可說  
了知衆生不可說



知其種性不可說  
知其根性不可說  
觀察調伏不可說  
修行精進不可說  
放大光明不可說  
一一毛孔不可說  
普照佛刹不可說  
調伏衆生不可說  
清淨語業不可說  
成就智寶不可說  
知其業報不可說  
知其解欲不可說  
變化自在不可說  
度脫衆生不可說  
種々色相不可說  
放光明網不可說  
勇猛無畏不可說  
令出生死不可說  
無邊意業不可說  
深入法界不可說  
知其心行不可說  
雜染清淨不可說  
現種々身不可說  
示現神變不可說  
令衆生淨不可說  
光網現色不可說  
方便善巧不可說  
清淨身業不可說  
殊勝妙行不可說  
菩薩總持不可說

善能修學不可說  
正念真實不可說  
清淨修行不可說  
諸佛子衆不可說  
讚揚無盡不可說  
彼諸菩薩不可說  
能住其中不可說  
欣樂諸佛不可說  
於法無碍不可說  
了達三世不可說  
智者音聲不可說  
開悟衆生不可說  
成就無畏不可說  
清淨勝行不可說  
世間導師不可說  
清淨功德不可說  
住中智慧不可說  
智惠平等不可說  
三世如空不可說  
住於智惠不可說  
音聲清淨不可說  
具足威儀不可說  
調伏世間不可說  
稱嘆諸佛不可說  
演說讚嘆不可說  
彼諸邊際不可說  
尺諸劫住無能說  
善入諸法不可說  
三世智惠不可說  
殊勝妙行不可說



無量大願不可說  
諸佛菩薩不可說  
知一切法不可說  
長時修習不可說  
廣演正法不可說  
法清淨輪不可說  
哀愍世間不可說  
不可說劫猶可盡  
不可言說諸舌根  
十方所有諸衆生  
清淨大願不可說  
發生智惠不可說  
嚴淨佛刹不可說  
一念悟解不可說  
種種神力不可說  
勇猛能轉不可說  
不可言演不可說  
不可說德不可盡  
嘆佛不可言說德  
一切同時成証覺  
成就菩提不可說  
分別義理不可說  
修行諸力不可說  
諸佛自在不可說  
示現世間不可說  
種種開演不可說  
讚不可說諸功德  
不可言說諸如來  
不可說劫無能盡  
於中一佛普能現

不可言說一切身  
此不可說中一頭  
示現於聲不可說  
如一如是一切佛  
如一如是一切舌  
不可說劫猶可盡  
不可說言蓮花界  
乃至法界悉周遍  
其數無量不可說  
十方差別不可說  
此不可說中一身  
示現於舌不可說  
此不可說中一聲  
如一如是一切身  
如一如是一切聲  
嘆佛功德無能盡  
一一蓮華世界中  
其中所有諸微塵  
一微塵處無邊際  
刹海分布不可說  
示現於頭不可說  
此不可說中一舌  
經於劫住不可說  
如一如是一切頭  
不可說劫恒讚佛  
一微塵中能悉有  
賢首如來不可說  
世界若成若住壞  
無量諸刹普來入  
一一刹中有如來



壽命劫數不可說  
神通大力不可說  
毛孔因緣不可說  
入淨法界不可說  
如其一切悉了知  
種種三昧不可說  
所行清淨不可說  
神力示現不可說  
了達諸佛不可說  
於法非行非不行

諸佛所行不可說  
無障礙智不可說  
成就十力不可說  
獲深智藏不可說  
種種形量不可說  
悉能經劫於中住  
得不可說無碍心  
所修無際不可說  
精進勇猛不可說  
入諸境界不可說

甚深妙法不可說  
入於毛孔不可說  
覺悟菩提不可說  
種種數量不可說  
於此靡不皆通達  
於不可說諸佛所  
往詣十方不可說  
往詣衆刹不可說  
智惠通達不可說  
不可稱說諸大劫

恒遊十方不可說  
神通智惠不可說  
一一了知不可說  
毛端佛刹不可說  
見諸如來不可說  
諸佛國土不可說  
體性差別不可說

方便智慧不可說  
念念示現不可說  
能於一時証菩提  
塵中佛刹不可說  
通達一實不可說  
悉能往詣成菩提  
如是三世無有邊

真實智惠不可說  
於不可說諸佛法  
或種種時而正入  
如是佛刹皆往詣  
善入佛種不可說  
國土衆生及諸佛  
菩薩一切皆明見

午齋念

如來妙色身世間無與等無比不思議是故今信禮如來色無  
盡智惠亦復然一切法常住是故我歸依為梵釋四王天龍八



部增益威光信禮常住三寶為當今皇帝聖壽無窮信禮常住  
三寶為今辰設齋施主福惠在嚴信禮常住三寶為四恩三友  
法界衆生願同安樂和南聖衆

應誦百字補闕呪偈

惟願法界七處會 哀愍憶念衆生海 主伴道場佛會處  
雖作懺悔云法事 我等所作不堪量 若或錯失或顛倒  
不辨不具或餘剩 恐成雜亂之善根 道場佛會慈悲力  
又百字呪真諦力 所懺業海願清淨 所作法行令圓滿

大悲聲

平...上...下...接上

慈...上...平...上...下...上...

平...下...毘...下...盧...下...遮那...平...

佛...邀...下加...護平...下...

蜜乘歌舞讚

五方佛讚

唵啞吽啞啞東方金剛薩斯埵啞佛啞哈吽其身青色啞哈吽  
放光明啞啞吽啞手印執持降魔杵啞啞吽我今歸命啞  
哈吽稱讚啞哈禮

南西北中方黃紅綠白色此上皆以如是  
佛名各別稱之聲音依前同之



八種嚴飾

啞哈吽啞啞此者金剛之勇識 啞哈吽啞啞微妙香象勝披衣

啞哈吽啞啞我以恒常而執持 啞哈吽啞啞願滅有情大愚痴

瓔珞寶鬘及人頭 永斷疑網正菩提 寂上無彼耳環等

有情願證忍辱力 微妙寶鬘及臂釧 以非宵襟依時持

人骨骷髏五佛冠 得獲明滿大聖禮 清淨梵線妙嚴飾

得獲無無平等智 滿抄交杵其如意 願証恣力無二智

葛當葛者是佛身 三明大樂顯五智 能摧一切諸魔類

同證喜樂妙法體 芳魯葛願揖受

十六天母

去來無邊勇識者 金剛勇勢太觀悅 微妙普賢總持性

十六天母稱讚禮

唵啞啞吽唵麻末日囉畢伽耶 邦星尼 畢當葛 捺哩帝 三麼

耶斯冬三麼耶斯當吽啞哈吽唵麻吽黑乞奉獻琵琶 龍笛 大鼓 折腰

妙妙 妙歌 妙舞天母供養佛啞惟願納受天母處妓樂唞吽耶

啞吽字湧出花香 燈塗 菓味 觸法天母啞一面四臂放光啞啞明啞

啞上二手印持妙花香 燈塗 菓味 觸法啞啞下二手印令相交吽啞啞哈

唵啞吽耶花香 燈塗 菓味 觸法妙天母供養佛願慈悲哀納啞啞受

拜四門

唵啞吽唵麻末日囉阿魯吉 賴得吽吽末日囉薩斯埭娑珊乞哩



啞啞末日囉喇那光演尼耶吽啞末日囉喇那不勞凹怛耶吽  
奄末日囉葛兒麻孤嚕銘吽朵兒只南朵兒只南朵兒只瞻不當啞啞唱  
拶囉啞哈吽啞哈吽朵兒只南我是三界空亥母浪河母啞啞  
手印持執真甘露啞哈吽耶吽朵兒只南我今奉獻中  
圍佛啞啞受用與我勝成就啞啞吽啞哈吽耶吽朵兒只南啞  
囉須及黑哩那謨娑賀吽吽啞囉囉哩和啞頻頻拶吽耶和願  
揖授

### 二十密舞

二手作於金剛拳 實按在於兩膝間 忿怒折腰而宣唱  
其身窈窕如三折 折指摩手是折拇 瓔珞花鬘空亥母

復於一切是此舞 於彼猶如彈琵琶 亦令而作吹龍笛  
又令而作拍拍板 亦令而作打大鼓 又令而作打丈鼓  
亦令搥子力搖搥 又令而作舒幢勢 亦令而作舒振旗  
又令而作蓋天被 亦令而作帳傘勢 又令而作喜悅笑  
亦令忿怒而作怒 又令作折而作折 亦令窈窕而窈窕  
又令而作抱子射 亦令而作拋執杵 又令而作禮拜儀

### 小亥母

心識諸佛煩惱境 照見三塗平等智 如人染病而不着  
奉獻上師願降臨 及諸種種修諸善 休貪三塗不見佛  
如人染病而不着 奉獻上師願降臨 飲酒食肉并受用



五樂相合五毒苦 受用五樂能治病 奉獻上師願降臨  
吉祥金剛空亥母 轉輪一切修習母 光明猶如劫火失  
救護有情稱讚禮

上師上師力

悉應修習而俱足  
親正勝果之妙躰  
觀獲定生喜樂日  
悲修智習與不二  
方便勝惠持鈴杵  
妙樂真空大喜智  
直至菩提我皈依

我等弟子慈  
悲願攝授啞  
囉刺斯吉上  
師願攝授啞  
囉刺斯吉哩

修設填還壽生銀錢功德文疏

大明國祖貫某州某縣某村居住奉

佛酌願男善人

洎家眷等

即日拈香一炷一心拜仰

五天金像四智玉毫龍宮海藏之真詮鹿苑明心之上士願展  
威光證明丹懇所伸意者伏為自身行年幾歲命係甚麼相幾  
年月日建生欠錢已萬貫看經已卷納第已庫曹官某人今者  
某人知身是幻悟世非堅恐幽閑而有阻思宿債以難逃未曾  
了還今來無伸填還之方仰伏

地藏王菩薩本誓願力謹備錢財收買香信供物之儀於某年  
月日命某 寺僧看誦三品經 金剛受生 化奉財



經文功德專伸奉上 冥府曹官等衆

右仰當局判官注生簿內勾除懸欠之名善部按中領納經文

之資如其此人百年命終之後身到冥司憑此合同仰信文牒

判生善道者 佛勅故牒 年 月 日

稟教釋迦如來遺教弟子奉行法事沙門誥

填僧疏

大明國某州某縣某村居住奉

佛填還僧願男善人等即日焚香一心拜投

通情旨伏為某年月日因為某事無伸保護之方自願發心曾

對某 神處位下啓許僧福功德告祝

聖慈用保家

眷平安今者拜還永無逋欠施財恭命某寺填供羅漢聖凡僧

已百負於中諷誦 消災經呪 清淨香齋 冥用錢財

經文功德上祝 冢堂香火 某神等衆

納斯善利用保平安吉祥如意者

右仰功德並已周圓 年 月 日

掌功德沙門 人給

修設超度往生道場通關文牒 某州某縣某村居住奉

佛三寶追修齋主某人 合家眷等拜仰金容聖造

所伸意者 伏為

亡化某人壽年已歲月日某時建生蓋為前修有定世數難逃



大限迺於某年月日時某處因病身故屆宇週年薦拔受祭之辰無伸超度生方仰伏

大覺願力是以謹備錢財收買香信茶菓瓊食供獻之儀詣取年月日恭命某寺僧衆就於某處焚香看誦大乘諸品經呪鋪舒三身紺相羅列香燈告作證明依如來之教典遵古聖之科儀運心修建西方內院九蓮上品閨燈禮懺超度薦亡道場一永夜於內作諸佛事演誦真詮命阿闍梨一真詣於門首廣排香按布列科儀先召請陰陽二界直符使者奏事真官來赴道場受今供養貴持文牒一道向下一心禮請常住三寶護法諸天大權真宰普赴道場受今供養 第二時

中一心奉請

冥府十殿王官各案諸司官典速伸召請陽環諸聖人元五嶽本境城隍真宰家堂侍奉香火福神各人當生本命星君來赴道場受今供養 第三時中懺悔召請當齋亡某人靈寃來赴道場受今供養因齋召請本音門中先遠三代宗枝亡化等衆普赴道場受今供養 聞宣 如來召請之梵音普赴今宵之法會右牒使者奏事真官貴持文牒假如來之勅命運自己之神通一刹那間遍陰陽界追召各各靈名姓氏二防護前來如遇閑防守護牒到奉行不得違阻即請放行仰遵佛勅故牒年月日齋主某人等



東震旦國稟釋迦如來遺教弟子奉行法事沙門

修設追召路引文牒

大明國某州某縣某村今見某處居住奉

佛三寶追修某人泊家眷等焚香拜仰

金容睭造所伸意者伏為

亡化某人存日壽年已歲某年月日時建生大限迺於某年月

日在於甚處因病身故今屆斯除靈起骨之辰無伸追薦生方

仰伏

覺皇願力謹備供獻之儀取今日日恭命某寺會下僧眾修設

路引文憑於內先伸

右仰關防神祇等眾一一防護亡某靈

冤前至祖貫某州某縣某村等處堂墓正神去處安置勿阻毋

得有違准教奉行仰遵

佛勅故牒

年月日追修某人

釋迦如來奉行法事沙門誥

祭風伯雨師

據某州某縣某村居住會首某人情旨於今日日伏為云云切

慮至期敗壞忽作深為未利須至移文者右牒如前本所已敷

置香筵行種種法事預告當境風伯雨師恭請詳照幸冀同遵

佛勅共贊法筵歛霧收雲停風止雨三朝爽霽四野肅清茲外

雲雨今施會畢希垂妙用伏請

神聰并從眷屬於今日日夜半子時聞召請時降臨勝處外備



饗祀之儀不得有違謹牒  
大會疏

聞薄伽至尊甚深法藏為衆生之恃怙作人天之所皈依皈投者皆蒙利益懺禱者盡降吉祥宿願不違悲憐六趣由是江水淨而秋月來臨信心生而諸佛悉降是辰即有某人告稱是以謹命云云特為追薦前項靈魂以憑佛力度脫施行嚴備香花燈塗茶菓供獻之儀召請

十方法界花藏境中過現未來常住真淨三寶一切諸佛諸大菩薩金剛密跡十大明王大辟支迦諸聲聞衆叅隨三寶帝釋梵王天龍八部一切護法神祇等衆謹具尊慈開坐于后列三

寶 右伏以

慈悲普廣喜捨無窮應物現形印千江之秋月隨心滿願秀萬世之春風愍此群情願垂加護今夜今時降臨道場某 冒觸慈容無任懽禱激切之至欽惟

覺皇表宣文疏 年月日

燈榜右伏以箭頭剔起悟因緣此夜熒煌烈大千爍爍金蓮鋪滿地枝枝葉葉布壇前明法界廣無邊下臨鬼趣及黃泉黑闇鐵圍從頭破直至長明不夜天故榜燈光照菩薩十王所 右伏以地藏冥司統十王常居幽府放神光哀哉疑灸遭塗炭可惜生靈厭鑊湯無上誠言休放逸有情息氣轉



難當今宵願救諸含識來詣菩提解脫鄉  
故榜 年月日  
地獄所右伏以沃樵山下幾千秋根本無明造罪醇三塗地獄  
灰苦難一身業累結冤愁風吹鐵樹千般苦鉄床銅柱萬新酸  
無間門中千萬劫佛声聳處  
片時休 故榜 年月日  
證明功德主 地藏菩薩  
浴室所 一盃香湯自古多石人無掌笑呵呵佛引神亡從頭  
洗白玉欄竿見也麼故榜清涼地菩薩  
金橋所 善惡明明不可欺化城橋道景光輝七环砌就人間  
少八寶粧成世界希入海蛟龍雄勇勢橫空蝶竦開高飛善人

自有幢幡引惡者河邊請脫衣同前接往生菩薩  
懺榜所 觀音願力太豐饒特把慈悲懺法標解是梁皇功德  
聚能交郝氏罪殃消該羅海藏文十卷開闢天堂路一條若也  
志心稱誦者亡靈離苦得逍遙故榜懺清涼菩薩 右伏以懺  
文誦出天堂路玉磬敲開地獄門竹影掃堦塵不動月穿潭底  
水無痕故榜寶公和尚  
毘盧境內現三世之佛身金燈影裏視如來之淨土  
十王榜 右伏以臧居冥殿位烈幽途憑衆生善惡之因示苦  
樂昇沉之報罷推苦楚整到人間赴此夕之淨筵納今宵之妙  
供故榜 月 日清涼山賦



夫清涼山者大唐東北燕趙西南山名紫府地號清涼菩薩修  
行之地龍神久住之鄉冬觀五頂如銀夏覩千峰似錦封文殊  
之窟宅號衆聖之蘭林鍾磬映碧嶂之頭樓臺鎖白雲之內常  
人遊禮解脫忘軀禪客登林群魔頓息此乃不惟境聖有一十  
二區大寺院號百處之名山時當春夏亂花攢就極樂天宮每  
遇秋冬松影排成兜率內院入池霧罩九洞雲遮菴苗瑞草惆  
悵吉祥妙理難窮文殊現老相之中羅睺化嬰孩之內閑僧負  
道多藏五百龍王病患殘疾每隱十千菩薩歌樓茶店恒轉四  
諦法輪酒肆屠沽普現色身三昧飛蠅蟻蝻皆說無生之法走  
獸熊羆盡演解脫法門今觀諸方遊禮遐邇交朋若到清涼鏡

內莫生容易之心此乃識則不見見則不識龍蛇混雜凡聖居  
者矣 五頂嵯峨接太虛 就中編稱我師居 毒龍池畔雲  
生操 猛虎崑前客路踈 冰雪滿山銀點墜 香花遍地錦  
鋪舒 展開坐具長三尺 占了山河五百餘 太宗丞相張  
天覺作石徑山雲居寺秋月作打噴賦  
因風吹火打草驚蛇點檢將來不可放過賢人作伴純將禮樂  
為先小輩同屋必以是非為念誰道舌為安國劍我言口是禍  
之門既知舌劍唇槍今古誰人不避日釋迦昔怕打噴入滅於  
雙林老子當時逞是非却歸於西竺仲尼至聖曾遭盜跖之增  
嫌孟子英賢却遇威倉之毀謗曾參孝義猶言郊外傷人顏子



仁慈也說厨中盜餅石徑山內說秋月經紙糊窗之惠寺中道  
丹霞木佛燒火休言古者如斯且說今人打噴終初告住行仁  
義左右逢源次後當權使撓摔縱橫放黨其或差請合去處橫  
推豎推若乃閑屋不應道胡管亂管他人作事強袋彈尖嘴薄  
舌不言自己為非逞無徒頑心大膽不談已短直說他非有如  
斥晏笑鷓鴣恰似朝菌輕松栢初伏末伏晉請涼房內努目爭  
眉一九二九做生活熱坑上胖唇蹶嘴何曾道普請

先行會打論粥稀後坐三門直下安排說是說非七佛堂前準  
備倚強壓弱不行半點慈心只學十分莽鹵說麤言無人不惺  
論細行有口無言不除自己雪盈門只管他人霜滿屋叅禪豈

劣過講何知念經似羶上拖猫普請如水中抹月房中共坐不  
譎量五教三乘院內閑行只理論七長八短榴尖遍在意為口  
最慙慙磨麥處私心取麥盤倉後同意盜糧使錢似火上弄冬  
冷筭曆如塗中洗土塊都大要大支小破誰肯想少使儉用堪  
嗟大小衆人心共瞞住持一雙眼便是爍迦羅妙用觀向無門  
直饒大悲手神通遮爛不住雖然說是與談非也要信伴不信  
伴高人上士不在於斯我輩緇流

畧聽短偈

打噴根源意若何  
若到厨中噴破鍋

休交平地起風波  
秋月經紙糊窗

房中打噴由閑可  
丹霞木佛燒火



若逢具眼高人  
可與人言百二三

怎肯罪名加我  
無是無非一尊酒

不如意是十八九  
綉幃高枕日南午

釋迦佛賦

太原王勃

撰

原夫佛者覺也神而化之修六年而得道統三界以稱師帝釋  
梵王尚猶歸敬老聃宣文寧不參隨昔如來下兜率天生中印  
土降神而大地搖動應跡而諸天擁護九龍而吐水滿身而華  
落紛々七寶祥雲舉足而蓮生步々蓋以玉輦呈瑞金輪啓圖  
恩霑九有行洽三無寶殿之龍顏大悅春闈之鳳德何虞方知  
灌頂之靈心興王後嗣必為萬類之化主作帝中樞豈不知海  
量無邊天情極廣厭六宮珠翠之色惡千妃絲竹響雪山深處  
全拋有漏之身心海月圓時頓悟無為之法想莫不魔軍振動法



法界奔驚覺閻浮之日出觀優鉢之華生十方調御皆來圓光  
自在六趣含靈盡喜金色分明暨乎萬法歸空雙林告滅演摩  
訶般若之教示阿耨多羅之訣普光殿裏會十地之華嚴耆闍  
山中授三乘之記別是知靈覺無盡神理莫聞芥子內隱三千  
之國藕絲藏百萬之兵目容修廣於青蓮寒生定水毫相分明  
於皓月照破迷雲群機而不覩靈蹤萬世而空留聖迹嗟釋迦  
之末法將盡仰慈氏之何日調伏我今回向善提一心歸命圓  
寂

釋迦如來成道記

觀夫釋迦如來之垂迹也淨法界身本無出沒大悲願力示現

受生洎兜率陀天為護明菩薩降迦毘羅國號一切義成金團  
天子選其家白淨梵王為其父玉象乘日示來於大術胎中金  
輪作玉創誕於無憂樹下八十種隨形之妙好繁若芬華三十  
二大士之相儀皎如圓月四方而各行七步九水而共沐一身  
現優曇華作師子吼言胎分之已盡早証常身為度生已還來  
今垂化迹於是還羈襁褓示類嬰兒為占相也悲悵於私陀仙往  
郊祠也驚起於大自在廟或為童子或學聲明為講武也箭塔  
箭井猶存為擗力也象迹象坑仍在受會樂於十歲現遊觀  
於四門樂沙門身厭老病死於是藻餅天子以驚覺彰伎女之  
醜容淨居天人以捧持躍車匿而嚴駕逾春城於八夜棲雪嶺



於六年人辭愴戀主之心馬舐落連珠之淚揮寶刀而落紺髮  
塔起天宮將袈服以貿皮衣形叅山鹿扣林仙之所德了世定  
之非真食麥食麻降苦降樂且瑤琴奏曲必自中而曲佛果成  
圓因以假中而向果由是擇其處也過龍窟浴其身也入連河  
示其食也受難施之乳糜示座也受吉祥之茆草以窳後之勝  
體詣善提之道場圓解脫之深因登金剛之寶座一百四十功  
德不共二乘八萬四千法門高超十地由是魔軍威懾於慈力  
愁怖旋歸媚女販毒於定心媼羸變質於是堅牢地神踊躍而  
作証虛空天子展轉而報知類蓮華而出水赫煥無方若挂月  
以懸空光明洞徹經七日受提謂之妙密驚以少小之言垂一

音授賈客之戒歸賜與人天之福既成佛已觀所化緣悲二仙  
而不遇雷音喜五人而堪從法化然塵根昧劣聖智淵深順其  
法則法不應根順其根則根不達法莫不為愛河之長溺緣癡  
樂之所育苟不利於當聞仍假言於入滅於是切利帝釋雲驅  
於三十三天堪忍界王霧頂於一十八梵頭面作禮致敬專精  
請轉法輪勸隨宜說如來尋念善逝通規順古佛之嘉謨應群  
機之鄙欲于時十方佛現同興讚美之詞一法乘分共劖塵勞  
之域由是起道樹詣鹿林三月調根五人得度憍陳如悟慈尊  
之首唱初解標名舍利弗逢馬勝以傳言於途見諦採菽氏繼  
踵以師事率門屬以同歸迦葉氏彙跡以降心領火徒而廻席



莫不甘露洪澍末尼普應天界人界鸚林尸林或鷲池或鷲嶺  
或海殿或菴園或狻猴江或火龍窟或住鉢羅奈或居摩竭提  
或依堅固林或止音樂樹或海濱楞伽頂或山際補陀巖或迦  
蘭多竹園或舍衛國金地或應念而空現或沒山而出宮或說  
法假於六方或化身變為三尺或掌覆而指變或光流而佛來  
或二身普集於多身或此界便明於他界或變淨而以淨覆穢  
或隨俗而即俗明真若空谷之谷響洪鍾之待扣矣其間所說  
阿含四有般若八空密嚴華嚴佛藏地藏思益天之請問楞迦  
山之語心萬行首楞嚴一乘無量義大悲芬陀利法炬陀羅尼  
無垢稱之說經須達拏之瑞應本事本生之別諷頌重頌之殊

象馬兔之三獸渡河羊鹿牛之三車出宅或為之有空守中也  
或謂之無轉照持也或謂之頓也漸也或謂之半也滿也或無  
說而常說或不聞而恒或保任而可憑或加被而不忘無小而  
不大無邊而不中三乘同入一佛乘三性同歸一法性真可謂  
父母孩孺導師險夷懸日月於幽霄布舟航於幻海為雲為雨  
使枯槁以還滋為救為滿指窮途於壽域暨乎所作已辦功成  
不居將返本以還源類薪盡而火滅絲是於力地詣金河光河  
光流面門相驚塵刹山搖地動俱興苦痛之聲異類變容同現  
奢華之血受純陀之後供納毘夜之密言唱四德以顯伊指萬  
有而歸一性酬多羅迦葉四十二請問已周度須跋陀羅八十



一化緣將畢破十仙之橫計使獲朝聞建四塔之崇規邀滋末  
葉將欲明有為之有滅表無相以無生上昇金剛身往復虛空  
界日月其猶墜落螢光如何久留誠有常身使無放逸於是還  
登玉座首卧鶴林遍遊三昧之門將復一真之性逆入順入全  
超半超依四禪之等持湛三點之圓寂是時也人天叫躡鳥獸  
哀號飄風驟雲山吼波逆按輪王之古式方侯奠儀命力士以  
捧持竟無能動繇是金棺自舉遠拘尸之大城寶炬不然駐閣  
維之盛禮莫不未生怨在於王舍創結夢於十號慈尊大迦葉  
遠下雞峯獲瞻禮於千輻輪足畢以兜羅繖氎聖火自梵藝王  
衆旃檀之薪注帝釋金餅之水彼願力猶在悲心尚熏碎金剛

之勝身為舍利之遺骨於是八國嚴衛四兵肅容各自捧於金  
壇競滿興於寶塔於是若牙若髮迦葉波禮於切利天宮或炭  
或灰無憂王建於瞻部洲界若迺金言道在塵劫法存象王去  
而象子隨一燈滅而一燈續莫不大迦葉雲迎千衆阿難陀雷  
吼三輪商那表定於未來趨多化籌而盈室始自壞梁之感終  
乎流乳之徵餅器異而水必同燈點殊而光終一以大乘之真  
空妙有文殊弥勒異其宗小乘而分氎折金上座大衆元其部  
或十支宏闡或千部鬱興馬鳴龍樹繼其芳無著天親播其美  
或提婆鑿眸而作器陳那吼石以飛聲或百偈齊祛於外宗或  
十師翊贊於遺頌或聞經而夜昇兜率或待佛而窟寄修羅或



劍誓首以要期或象馱金而請釋或賞能而食邑或得勝而建  
幢或論般若之理也名燈或究俱舍之非也名電莫不殊塗異  
轍終會一源自有及空咸歸萬德自商周見虹貫炎漢夢金人  
教及神州聲流華夏勃叨生李世獲奉真譚雖錄續而以叙金  
言在飄零而不逢玉相見聞盡尔宗致昭然蓋委遺文不復備  
而言也乃為銘曰

化起從本源 功成應賢劫 萬行顯真宗 三祇積鴻業  
為法出於世 降灵示分脇 眉橫天地弓 目帶青蓮葉  
仙師相垂淚 天神爭捧接 滄頂當在宮 飛輪化弥帖  
宗承天日貴 象貫師子頰 善教誰與傳 抨彈獨豪俠

遊觀驚老死 逾城弃臣妾 落髮親寶刀 賀衣於群獵

寄跡狎麋鹿 苦身示羸怯 食糜人盡知 坐草魔方攝

潔若蓮出水 明逾鏡開匣 山海類高深 雲雷等辭捷

三時教弥闡 萬類根自愜 四問聊欲鬪 十仙度相躡

補處記慈氏 遺文囑迦葉 卧樹徒載春 香薪已焚氈

悲心及縣遠 舍利光煒燁 獨我生後時 餘波幸霑涉

十吉祥偈

迦葉如來具大悲 諸吉祥中最無上 彼佛曾來入此殿  
是故此處最吉祥 拘那牟尼見無碍 諸吉祥中最無上  
彼佛曾來入此殿 是故此處最吉祥 迦羅鳩馱如金山



諸吉祥中最無上 彼佛曾來入此殿 是故此處最吉祥  
毘舍浮佛無三垢 諸吉祥中最無上 彼佛曾來入此殿  
是故此處最吉祥 尸棄如來離分別 諸吉祥中最無上  
彼佛曾來入此殿 是故此處最吉祥 毘婆尸佛如滿月  
諸吉祥中最無上 彼佛曾來入此殿 是故此處最吉祥  
弗沙明達第一義 諸吉祥中最無上 彼佛曾來入此殿  
是故此處最吉祥 提舍如來辯無礙 諸吉祥中最無上  
彼佛曾來入此殿 是故此處最吉祥 波頭摩佛淨無垢  
諸吉祥中最無上 彼佛曾來入此殿 是故此處最吉祥  
然燈如來大光明 諸吉祥中最無上 彼佛曾來入此殿

是故此處最吉祥



長沙縣志卷之四  
風俗志  
長沙縣志卷之四  
風俗志





